

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Disputatio XXI. De Divinis processionibus. ad q. 27.

[urn:nbn:de:hbz:466:1-73455](#)

DISPUTATIO XXI.

DE

Divinis processionibus.

Ad q. 27.

Praemissis in priori disputatione praeliminaribus, nunc ad ipsius SS. Mysterii particularē expositionem progredimur; & quia Divinæ Personæ constituantur relationibus; relationes vero fundantur in processionibus; ideo cum S. D. primus de processionibus, deinde de relationibus, disputabimus.

ARTICULUS I.

An, que, & quot sint processiones in Divinis?

SUMMARIUM.

1. Processio quid nominis?
2. Veritas Catholica de existentia processionum.
3. Ratio illarum.
4. Numerus processionum.
5. Quo sensu in Divinis sit Ens ab alio?
6. Nulla sequitur dependentia in persona procedente.
7. Disparitas de visione beatifica.
8. In Divinis non datur causa, aliud, alter, principium: datur alius, & principium.

§. I.

Existentia & numerus processionum.

Processionis nomine intelligimus emanationem, sive originem unius ab alio tanquam principio producente, quæ considerata ex parte termini procedens est & dicitur processio passiva, ex parte vero principii procedens est & dicitur processio activa. Quodlibet terminus productus ex extraneis producenti, vocatur processio transiens & ad extra; quo modo transeuntes à DEO procedunt omnes effectus creati. Si sit intra producentem, vocatur processio immanens, & ad intra, de qua agitur in presenti.

2. Est in primis fide certum, dari in DEO reales processiones, ita proununtiante Symbolo Nicæno, de Filio quidem per illa verba: *DEUM de DEO, lumen de lumine, &c. ac de Spiritu S. Quies Pater Filioque procedit.* In symbolo quoque Athanasi dicuntur: *Filius à Patre solo est, non non factus, nec creatus, sed genitus, Spiritus S. a Patre & Filio, non factus, nec creatus, nec genitus, sed procedens.* Constat ex sacro textu, ubi de secundo & secunda Persona Christus Jo. 3. *Ego ex DEO processi.* Et Joa. 16. *Exihi à Pare & veni in mundum.* De Spiritu S. autem Jo. 15. *Spiritum Veritatis, qui à Pare procedit.* Quae verba de processione ad intra, non de extranea processione effectus à sua causa (ut impie interpretatur Arius) accipienda esse docent alia Scriptura, quibus Filius cum Pare confubstantia asseritur: ut Jo. 10. *Ego & Pater unus sumus.* Jo. 14. *Non credatis, quia ego in Pare, & Pater in me est?* Atque ita definitum habetur verbis, eisdem Symboli Nicæni.

3. Ratio quoque est primus. Datur ex fide Trinitatis Personarum, inter se realiter distinctarum:

ergo etiam datur processio realis. Consequenter probatur. Nisi daretur oppositio relativa, non daretur realis distinctione Personarum; sed nisi daretur realis processio, non daretur realis distinctione Personarum: ergo. Major constat ex receptissimo axiomate Doctorum Catholicorum, quod in Divinis nulla est realis distinctione, ubi non obviat relationis oppositio. Minor etiam est certa: quia relations Divina fundantur in origine & processione unius ab altera.

Secundus. Processiones intelligibles & immateriales depurati possunt ab omni imperfectione; atque juxta Catholicum dogma cum intima communicatione efficientia & confubstantialitate coniuncte, in DEO arguunt infinitam perfectionem facunditatis: ergo iunctu admittende in DEO.

Caterum ex his ipsis Scripturarum locis de numero processionum constare potest. Totum nimurum sunt processiones passivæ, quot sunt termini & Personæ procedentes; sed plures personæ procedentes ex memoratis Scripturarum locis non sunt, quam duæ, Verbum videlicet & Spiritus S. ergo neque plures sunt processiones passivæ. Cumque processionibus passivis respondant processiones activæ; quemadmodum cuilibet termino producendo respondet principiū producens, totidem quoque sunt processiones activæ.

Præterea tot sunt processiones activæ, quot sunt actus immanentes, quibus aliquis terminus ad intra produci potest: sed actus immanentes sunt tantum duo; actus videlicet intelligendi & volendi: quorum ille ut affectus notione & relatione paternitatis, vocatur *ditio*; iste vero ut affectus relatione spiratoris vocatur *spiratio*: ergo. Unde S. D. hic a. q. *processiones in Divinis, inquit, accipi non possunt, nisi secundum actiones, quae in agente manent, huiusmodi autem actiones in natura intellectuali non sunt nisi duæ, scilicet intelligere, & velle, &c. Relinquitur igitur, quod nulla alia processio possit esse in DEO, nisi Verbi & amoris.*

§. II.

Objectiones & corollaria.

Obijc. primus. Si darentur in DEO processiones, in DEO daretur ens ab alio: sed hoc repugnat: ergo & prius, sequela constat, quia Filius

lius est à Patre : Spiritus S. ab utroque minor quoque est certa, quia esse à se pertinet ad constitutionem & distinctionem Divinitatis ab omnibus creaturae.

Respondens, distinguendo sequelam in DEO datur ens ab alio, ut terminus ad intra productus in identitatem naturae, concedo: ut effectus ad extra causatus à principio efficiente, nego. item: ens ab alio, ut à principio originis, concedo, ut à causa, nego. & ad probationem minoris Respondeo. Ad constitutivum Divinitatis pertinere rationem entis à se & principii improducti, ut excludentis omne principium causativum vel effectivum; sic enim dicitur per se latenter independentia à principio efficiente & causante, non vero ut excludentis omne principium ad intra producens.

Objic. 2. Procedens dependet à producenti; sed implicat dependentiam Divinis: ergo & processio. Major probatur. quod accipit esse ab alio, dependet ab illo, estque natura posterior; sed procedens accipit esse à producente: ergo.

Confirmatur. In dignitate alicuius ad essendum importat dependentiam ab illo in essendo; sed persona procedens indiget ad essendum personam producentem; ergo dependet ab illa.

Respondeo negando maj. eius probationem distinguo. quod accipit esse ab alio contingenter, distincta natura & per modum effectus, dependet ab illo estque natura posterior, concedo, quod accipit esse necessariò, ut non potuerit non esse, eadem natura, & per modum puri termini intranei, nego maj. sicut distincta minore, nego consequentiam. Ad confirmationem distinguo minorem, indiget persona producentem, si potuit non esse ab illa, concedo. Si non potuit non esse ab illa, nego: ut enim docet S. D. q. 10. de pot. a. 1. ad 13. esse ab alio recipere, tunc solùm significat indigentiam, quando recipiens aliquando non fuit, vel falem potuit non esse in receipto.

Cum ergo persona procedens semper & necessario fuerit in receptione, sive in receptione esse Divini, nulla ex hoc indigentia, sed infinita perfectio Divine fecunditatis & communicabilitatis arguitur, indicata II. 66. *Nanquid ego, qui alios parere facio, ipse non parium?* &c. Neque

urget, quod Philosophus q. Metaphys. dicat, quod actio immans non habet terminum. Ego enim, quod illum non habet exigibile, quemadmodum actio transiens, habet tamen permisibile, ut patet in verbo creare, quod juxta Thomisticam doctrinam ab ipsa cognitione producitur.

Objic. 3. Beati non formant Verbum mentis in beatifica visione: ergo neque Pater eternus in sua comprehensiva & beatifica cognitione producit Verbum distinctum.

Respondeo negando consequentiam & patiens, quia ne detur in visione beatifica creaturae & verbum quidditative representans Divinam essentiam, facit nimia impropositio entis creati & increati in esse intelligibili, est autem summa proportio, in idenitatis & communicatio naturae inter personam producentem, & procedentem; & insuper infinita fecunditas ex partibus producentis.

Colliges ex dictis, dari in Divinis rationem principii non dari rationem causæ; causæ enim in effectu importat aletatem, novitatemque substantiam, & dependentiam alicuius ab altero (urbet S. D. hinc q. 33. a. 1.) dicitur enim causa, quae per se influit esse in aliud, seu, quae dat esse alterum. Porro aliud, (qui addas terminum restringentem; V. G. aliud suppositum) sonat diversitatem essentiae, sicut etiam ly alter: ideoque licet in Divinis sit aliud, conformiter ad illud Athanasius alia est enim Persona Patris, alia Filius, &c. (alio enim plus non significat, quam distinctionem Personæ) non tamen aliud in neutro genere Theologii in Divinis admittunt ob dictam rationem. Econtra principium, ut inquit S. D. hinc q. 33. a. 1. nihil aliud significat, quam id à quo aliud procedit; unde nullam importat aletatem, novitatem essentiae, neque necessariò terminum productum à se in esse dependentem facit. Nomen tamen principiorum (ut habet ibidem S. D.) quod subjectionem & minorationem quadruplicat, Personis procedentibus non tributum. Et hæc de modo loquendi, debemus enim, ut rectè Dierkennis, in hac materia non tantum rectè sentire, sed etiam rectè loqui. De quo iterum plura.

ARTICULUS II.

Quid, & quales sint Divinae processiones?

SUMMARIUM.

1. Afferitur processionibus ratio actionis.
2. Probatur ex natura actionis & termini producti.
3. Amoventur imperfectiones.
4. Non ideo terminus productus dicendus est agi.
5. Disparitas a relatione creativa.
6. Controversia de distinctione virtuali a unum notionalium ab essentialibus.
7. Sententia Scotistica affirmans distinctionem adequatem.
8. Sententia Thomistica tantum admittens distinctionem inadæquatem.
9. Respondetur ad fundamenta Scotistarum.
10. Processiones activa cum relationibus principiorum identificantur inadæquate.

11. Actus notionalis ab essentiali distinguimus includens ab inclusione.
12. Inutilis divisio intellectus & voluntatis inspirantem & producentem.

§. I.

An processio sit veri nominis actio?

Dubium in primis est, utrum Divina Persona per veram quandam actionem producatur procedant, ut ideo processio activa sit veri nominis actio: vel utrum per simplicem & puram eminationem resulant, quæ ratione proprietates essentiae, & relatio ex fundamento resultat?

Dicte.

Dicendum est ad mentem S. D. hic q. 27. 2. & 5. procedere per veram actionem immensum. Ita certe cum proprietate salvatur & exponuntur verba tum S. Scripturæ, ubi Verbum Divinum dicitur gigni, generari, gerudi, exire, &c. tum Angelici Doctoris, qui locis citatis dicit, Verbum procedere per modum intelligibilis actionis, & processiones in Divinis accipi non posse, nisi secundum actiones, que in gente manent.

Ratio quoque est. Ut terminus substantialis sit per veram actionem productus, plus non requiritur, quam ut immediate & per se primò terminet sui productionem: ea quippe, que per puram emanationem & simplicem resiliantem ponuntur in rerum natura, solent ad alterius termini productionem consequi: sicut relatio creata ad positionem fundamenti & termini, proprietates ad productionem essentia, &c. sed Personæ Divina sunt termini substanciales, qui immediate & per se primò terminant sui productionem: ergo per veram actionem procedunt.

Sed neque illa imperfectione sequitur vel ex parte Personæ procedentis, vel Personæ producentis, si veri nominis actio admittitur. Non quidem ex parte producentis: quia formale prædicatum actionis immanentis in hoc salvatur, quod sit ultima actualitas immanenter operantis: Hoc porro prædicatum puram explicari perfectiorem; immo maiorem quam virtus activa, qua ne quidem ab actu secundo actionis virtualiter intrinsecus distincta admitti potest,

juxta ea, que diximus Tract. de DEO. Non etiam ex parte persona procedentis, quia de facto qualibet Persona procedens ex via processionis active, seu actus notionalis habet esse productum; id ad hoc, ut per veram actionem procedant, sufficit, quod hunc modum habeant esse productum: ergo absque imperfectione possunt per veram actionem procedere. Illa imperfectione egestionis, motus, mutationis, dependente, non nisi operationem transuertent continentur, qua nempe est actus imperfeci, & ultima actualitas immanenter operantis.

4. Sed nunquid sicut actio suppositum denominat agens, ita terminum passivè denominatur actum? Id porro magnam diceret imperfectionem ex parte persona producere.

Relp. Quia per ly agere & agi propriè significatur effectiva producere, habens rationem causalitatis, quā terminus de potentia redigitur in actum; ideo quamvis actio in creatis principio tribuat denominationem agentis, & termino denominationem acti; id tamen locum non habere in Divinis, ubi actio ab ipsis imperfectionibus separata inventur. Unde melius dicimus terminum in Divinis actione produci, quam agi, neque personas agentes ad intra, sed producentes nominamus.

Neque paritatem creatæ relationis obijcas: sicut enim illa per simplicem emanationem resulter in sententia distinguuntur, id tamen provenit ex imperfectione ipsius: cum enim sit ac-

cidens diminutum & debilissimum entitatis, nullus agentis intentionem vel actionem per se terminare potest. At vero Divina relationes sunt per se subsistentes; quæque notionalem per se primò terminant.

S. II.

An actus notionales sint virtualiter adequatè ab essentialibus distincti?

Celebrior est controversia, num actus notionales, sive processiones actives sunt ab actibus essentialibus intelligendi & volendi virtualiter (nam aliud genus distinctionis impingeat) adequatè distincti: Processiones nimis tantum actiones sunt Dictiones, quæ Verbum producuntur, & spiratio activa, quæ producitur Spiritus S. quas etiam processiones actus notionales nominamus, eo quod ad Personarum distinctionem pertinent. Neque dubium est, quia Dictio sit ab intellectu; & spiratio à voluntate.

Sola est controversia: utrum actus isti notionales nominent & exprimant actualitates virtualiter distinctas ab actibus intelligendi, & volendi essentialibus, totique SS. Trinitati communibus.

Et Scotista quidem ponunt duplicum actum. intellectus, in DEO secundum modum concipiendi distinctos, quorum unus est actus intelligendi, alter actus dicendi; ille est de genere qualitatis, & correspondet intellectui ut operativo; iste vero de genere actionis, & respondet intellectui ut productivo. Ille communis toti Trinitati; ille peculiaris Personæ Patris. Eodem modo distinguunt inter voluntatem, ut operantem, & ut producentem: operanti tribuunt voluntionem essentialiem, qua sit de genere qualitatis; & producenti tribuunt Spirationem, qua sit de genere actionis.

Porro hos actus inter se distingui probant pri-mo. Intellectio est perfectione simpliciter simplex, ut patet: econtra dicere non est perfectione simpliciter: alias deesse aliqua perfectione Filio & Spiritui S. cum ista persona non dicant, sed intelligent.

Secundo. In nostro intellectu dictio prior est, quam intellectio; nisi enim intellectus producat Verbum, non habet, in quo intelligat, & cognoscat objectum: ergo dictio non est formaliter idem cum intellectione.

Tertio. Alius est modus tendendi, quo dictio, & aliis, quo intellectio attingit ob-jectum: illa quippe producendo; ita vero contemplando in ipsum fertur.

Oppositum sentiunt Thomista, è quorum 8. mente & doctrina sit.

CONCLUSIO. Processiones Divinae sive actus notionales non sunt virtualiter adequatè distincti ab actibus essentialibus intelligendi, & volendi: unde dictio, formaliter consistit in ipso actu intelligendi, eique solum superaddit relationem Patris, sive Dicentis: spiratio vera activa consistit formaliter in Amore essentiali, eique solum superaddit relationem Spiratoris.

Ratio prima partis est. Relatio superaddita absoluta perfectioni non facit illam virtualiter adaequatè distinctam: sed dictio V. G ab intelligere essentiali non differt, nisi ratione superaddita relationis (idem proportionaliter dicendum de spiratione activa respectu amoris essentialis) ergo ab illo virtualiter adaequatè non distinguitur. Major probatur.

Quod est extra lineam intelligibilem, & operationis vitalis, non potest constitutere operationem vitalem in linea intelligibili virtualiter distinctam: sed relatio est extra lineam intelligibilis & vitalis operationis (ut pote pù terminus naturæ Divinæ) neque quidquam relatione intelligit, aut vivit: Dictio vero & productio verbi est operatio vitalis intellectiva: ergo. Minor etiam probatur. Quidquid aliud præter relationem affigas virtualiter distinctum ab intelligere essentiali, vel etiam est intellectio, vel quid aliud diversa rationis. Non primum: quia non dantur in Divinis plures actualitates ejusdem linea virtualiter inter se distinctæ (ut in Tract. de DEO obseruavimus) propter cuiuslibet linea infinitatem. Neque etiam secundum: quia secunda Persona procedit, ut *Verbum*, ut *Imago*, ut *Sapientia genita*, ut *terminus representativus*, & intelligibilis, adeoque per intellectiōnem.

Secunda pars conclusionis facile patet: quia intelligere non est productivum, nisi prout est in Patre: neque Amor est spiratus, nisi prout est in Patre & Filio: sed ut sic jam superadūt, & per modum complementi connotant relations. Dictio quidem seu intelligere notionale relationem paternitatis, & anor notionalis relationem spiratoris.

9. Neque movent fundamenta Scotistica sup. num. 3. relata, nam ad 1. Resp. Dictio & spiratio non est simpliciter perfectio, quantum ad id, quod dicunt in recto, sicutque ipso, actus essentialis intelligendi & volendi, nego; quantum ad complementum relativum, quod connotant in obliquo: sic concedo. Neque ex hoc recte intuleris. Ergo aliqua perfectio non est in Filio, quæ est in Patre: nam id, quod Dictio dicit in recto, quodque solum exprimit perfectionem, reperitur in omnibus Perlonis; id verò quod connotat in obliquo, estque complementum relativum præscindens à perfectione, & sine quo intellectio non est dictio, non reperitur nisi in Patre, ideoque ipsum solum intellectio Dicentem denominat.

ARTICULUS III.

Quodnam sit principium Divinarum processionum?

SUMMARIA.

1. Status questionis.
2. Sententia & fundamenta Durandi.
3. Oppugnatur autoritate.
4. Et ratione.
5. Durandi fundamenta solvuntur.

6. Sententia rationem principii constitutus in soluto rejicitur.
7. Quia idem produceret seipsum.
8. Et aquæ in Filio esse potentia generativa, quia in Patre.

9. Respon-

Ad 2. Resp. Dictio inadæquatè accepta est in nostro intellectu prior cognitione, concedo. Si adæquatè sumatur, nego. Nam dictio adæquatè sumpta est cognitio productiva Verbi, qua secundum munus inadæquatum producendi potest præintelligi & præsupponi ibi ipsi, ut est contemplativa illius.

Ad 3. Resp. Modus tendendi in objectum, quem habet dictio, est materialiter diversus à modo, quem habet cognitio, concedo, formaliter diversus, nego. Nam sub eadem ratione formali, in esse videlicet representativo, & intelligibili, tam dictio, quam cognitio attingit objectum: & cognitio in ratione dictoris dando esse representativum objecto subdatur sibi ipsi, quatenus in ratione cognitio in illo esse representativum quieterit.

§. III.

Corollaria.

Colliges ex dictis primis: Processiones adiuvativas non adæquate identificari cum relationibus principiorum: e. g. Dictiōnē non identificari adæquatè cum ratione paternitatis. Ratio est: partim quod in sola relatione non salvatur conceptus actionis: partim, quod hinc sequeretur, processiones activas adæquate distinguiri ab actibus essentialibus, siquidem linea relativa à linea intellectiva & voluntiva adæquatè distinguitur: hoc autem est contra dictum.

Colliges secundo. Distinctionem tamen aliam, quam intercedere inter actum notionalem & intellectualem, inadæquatam nimurum, & tangunt incidentes ab inclusio. Quia actus notionalis ad actum intellectualem connotative superadūt complementum relativum, in quo virtus distinguitur ab actu essentiali.

Colliges tertio. Frustraneam in modo nullam esse divisionem Divini intellectus & voluntatis, in operantem & productivem. Quia producens, ut ab operante distingua vel habent idem objectum formale cum operante, vel non. Si haberet, jam non esset virtualiter distinctus, si non haberet, tunc vel daretur in linea intellectiva aliud objectum, quam verum; vel intellectus essentialis & absolutus non attingeret in sua linea omne verum; quorum illud est contra naturam, itud contra infinitatem Divinæ intellectus.

9. Respondetur ad fundamentum oppositum.
 10. Sententia relationem statens pro adequato principio probatur auctoritate.
 11. Erratione.
 12. Impugnatur.
 13. Exponuntur auctoritates objectae.
 14. In Divinis sufficit distinctio inadequata inter virtutem produtivam & terminum productum.
 15. Generare convenit Soli Patri per principium formale absolum, non ut absolum, sed ut appropriatum.
 16. Ad principium quo Divinarum processionum requiriuntur forma absoluta in recto, & relativa in obliquo.
 17. Principium qui principaliter est assimilativum.
 18. Ideo relationem tantum per modum complemeti importat.
 19. Natura est principium radicale processionis.
 20. Proximum formale sunt intellectus & voluntas.
 21. Non videtur sequitur, quod essentia generet.
 22. Nec rede inforatur distinctio virtualis intrinseca inter actum primum & secundum.
 23. Est adhuc lata differentia inter processionem Filii, & Spiritus S.
 24. Processio Verbi cur prior origine, quam processio Spiritus S.
 25. Cur Filius & Spiritus S. non generent?
 26. In Divinis nulla distinctio inter actum communificativum & productivum.
 27. Datur potentia ad actus notionales; non nisi virtus exterior extrinseca distincta.

§. I.

Sententia Durandi rejicitur.

1. Oquimur in sensu & abstractione metaphysica, supposita ex Tract. de DEO Uno distinctione virtualis partim intrinsecā, quemadmodum ad intellectum seu essentiam & voluntatem DEI, partim extrinsecā, quemadmodum agnoscimus inter actum primum & secundum, potentiam & operationem, de cuius principio nunc inquirimus: Certum est, *Principium* quo Divinarum processionum esse Personas producentes: accipimus enim denominationem principii per analogiam ad res creatas; sed in rebus creatis principium quo dicitur *suppositum* producens: ergo & in Divinis. De *Principio quo*, quod per eandem analogiam ad res creatas, est vel proxima ratio agendi seu producendi, si est proximum; vel remota & radicalis, si est remotum principium, diversae sunt opiniones.
2. Et in primis Durandus in 1. dist. 6. q. 2. docet, utramque Personam, & Filii & Spiritus S. non immediatè per intellectum & voluntatem, sed ex natura fecunda intellectui ac voluntati presupposita procedere. Cujus fundamentum est primo, ex SS. Hilario & Augustino, qui dicunt, quod *Verbum* sit *Filius DEI natura*. Secundo, quod in creatis, è quorum analogia de rebus Divinis loquimur, natura fecunda reperiatur praesupposita & independenter ab intellectu & voluntate, ex qua facunditate habent virtutem proximam generandi.
- Verum hæc singularis sententia communis Theologorum calculo male audit, & varijs DD. censuris vapulat. Contra ipsam enim est primò. Quod in hac doctrina non est assignabilis differentia, & ratio, cur secunda Persona in Divinis appelletur *Sapientia* Prov. 8. ex ore *Altissimi* prodiens. Ecclesiastici 24. *Verbum* Jo. 1. & 1. Joa. 5. Cur à SS. PP. eadem Divina Persona appelletur *Imago*, *Veritas*, *Sermo*, *notitia Parvus*. Tertia vero Persona Spiritus S. appelletur *Amor*, *Charitas*, *dilectio*, *nexus*? quo tamen modo patrum appellantur nominatio S. Augustinus 15. d. Trinitate c. 6. Ille intelligendo conspicimus tanquam dicentem *Verbum* ejus, i. e. *Patrem & Filium*, atque inde procedentem charitatem uniuersitatem communem, scilicet Spiritum S. Et lib. 9. d. Trin. c. 12. sicut DEI *Verbum* *Filius* esse nullus Christianus dubitat, ita *Charitatem esse Spiritum Sanctum*.
- Contidū est secundum. Quod non effet ratio, cur processio Verbi sit generatio, non autem processio Spiritus S. ut ex sequenti §. amplius patet. Cur non producentur plures Personæ, quam duc? cum enim vires infinitæ fecunditatis non exhaustantur in productione secundæ Personæ: cur exhausti deberent in productione Personæ tertiae? cur processio Filii sit origine prior, quam processio Spiritus S. & cur potius Spiritus S. à Filio, quam Filius procederet à Spiritu S. ut magis ex decursu patet.
- Contra est tertidū. Verbum dicendo significatur, Spiritus S. seu amor personalis amando producitur: sed dicere est actus intellectus; amor vero est actus voluntatis: ergo personæ Divinæ immediate per intellectum & voluntatem, non autem per naturam procedunt.
- Ad fundamenta Durandi facilis est responsio. Nam ad 1. Resp. *Verbum dici Filius DEI natura*. Nos quod sit à natura, tanquam immediato principio; sed quod sit Filius consubstantialis per naturam; non adoptivus per gratiam. Vel secundum, quod Filius non liberè, sed necessariò (quoniam *ly per naturam* sape accipitur) sit productus.
- Ad 2. Resp. quamvis creaturis non conveniat fecunditas substantialis per intellectum, propter earundem imperfectionem, ex qua necessitatur ad productionem termini solum accidentalis: convenire tamen fecunditatem accidentalem in predicta productione termini h. e. verbi accidentalis: unde enti increato propter oppositam infinitam perfectionem convenit per intellectum fecunditas substantialis in productione Verbi sibi consubstantialis.
- Additum, quod neque creatura materialis & corpoream suam fecunditatem immediate habeat à natura, sed mediante potentia generativa superadditam, ex quo vides infirmitatem contritum fundamentalium.
- Alii principium Divinarum processionum tam remotum, quam proximum constituant in aliquo absoluто; idque probant tum auctorit. & rationibus, pro prima parte nostra conclusionis infra §. 4. referendis; tum ex eo; quia relatio non pos-

R. P. Mezg. Theol. Schol. Tom. I.

D 2

test

est pertinere ullo modo ad principium quo productivum in Divinis: ergo principium quo debet salvare in aliquo pure ab soluto. antecedens probatur. Si relatio pertineret ad principium productivum, tunc sequeretur, quod fundaretur in se ipso, nam fundatum Divinarum relationum est productio & potentia sive principium productivum.

7. Verum contra istam opinionem pugnat primus. Quod idem produceret se ipsum, saltem ut quo; quia absoluta in Divinis identice sunt communia: sed hoc implicat: ergo. Neque placet respondere Ariagae, dum disput. 45. num. 34. dicit, nullam esse contradictionem, quod idem producat se ipsum, si aliunde supponatur existens: praterquam enim, quod eisimodum productionem tanquam essentialiter superfluum & causativam oppositionis ejusdem ad se ipsum melior Philosophia repudiat, per hanc quoque respondentem totum SS. Trinitatis Mysterium, ac distinctione personarum revocari posset in dubium, & Sabellius denovo argumenta. Catholicorum, quibus Divinarum Personarum distinctionem ex oppositione relativa propugnant, facili negotio posset eludere, si responderet, non obstante productione eandem esse Personam Patris & Fili, sed sub qua ratione est producens, sic appellari Patrem; subqua ratione vero est producta, sic Filium nuncupari.

8. Contra est secundum. Quid absolute sint omnibus Personis communia. Cur ergo non aequa potentia generativa esset in Filio quam Patre; adeoque ut Pater Divinus Filium; ita Filius alium quoque Filium generaret, cum ideo possit Spiritum S. spirare, quia eadem habet virtutem spirativam cum Patre.

9. Ad fundamentum hujus sententiae Resp. Relatio fundaretur in se ipso, secundum conceptum relationis, nego, secundum rationem inadæquatam formæ hypostaticæ, concedo, ut enim infra §. 3. dicimus, eadem relatio Divina duplex praestat inadæquatum munus, relationis & forma hypostaticæ, sive substantiarum, & ut habet rationem formæ hypostaticæ, presupponitur sibi ipsi, ut dicunt esse ad, & conceptum inadæquatum relationis.

§. II.

Relatio sola non potest esse principium.

10. Aliorum celebrior doctrina, quam sequitur Alarcon, Veckenus, Berpal, dis. 6. lect. 1. vult, adæquatum principium quo proximum, sive virtutem productivam Divinarum Personarum consistere in sola relatione productentis. Ad cuius probationem utuntur imprimita auctoritate SS. PP. Athanasii, Dial. 1. de Trinit. ita de Patre æterno loquentis: *hypostasi gignit, & mandato condit.* Ambrosii l. 4. de fide. c. 4. dicentes: *generatio paterna proprietatis est, non potentia.* Videtur quoque S. Doctor aperte favere huius sententia in 1. dist. 7. q. 1. a. 2. in c. ubi dicit: *Essentia secundum quod est paternitas, est principium hujus actus, qui est generare, non sicut agens, sed sicut quo agitur.* Errurus ibi dist. 11. q. 1. a. 3. in c. Generatio non egreditur ab essentia, in quantum essentia, sed in quantum est Paternitas: & si

ista duo, scilicet essentia & Paternitas differentia in Divinis, egredieretur ab utraque generatio, sed a Paternitate immediate (ad eoque tanquam proximo primo quo) & ab essentia, sicut a principio.

Probant etiam secundum illa universalis ratione. Quod sicut idem non potest producere se ipsum, ita neque potest esse ratio producendi se ipsum. Sed nulli principium proximum constituitur in aliquo relativio, idem erit ratio proxima producendi se ipsum; quandoquidem in absoluto perfectissimum est simplicissima identitas: ergo.

Probant tertio. Aetius ab omni alterius suppositi actu distinctus, non inest, nisi per principium formalis ab omni alterius suppositi principio distinctum; sed generare v.g. convenit fili Patri: ergo convenit per principium soli Patris proprium. Sed hoc non est, nulli proprietatis relativa: ergo.

Sed contra est primus. Relatio vel est ratio & virtus producendi, prout exigit exercitum referendi, & habitudinem ad terminum, vel prout haber rationem formæ hypostaticæ. Non primum, quia sic ratione nostrâ est posterior productione, in qua fundatur. Non etiam secundum; quia ut sic est forma quasi individualis personam constituens, non virtutem agendi, ut habet S. Doctor in terminis hic q. 41. a. 5. dicens. *Forma individualis in rebus creatis constituit personam generantem, non autem est, quo generantur: alioquin Socrates generaret Socratem. Vnde neque paternitas potest intelligi, ut quod Parthenat, sed ut constitutus Personam generant: dum quin Pater generaret Patrem. Hac S. Doctor.*

Contra est secundum. Quid in productione univoco producens assimilat sibi terminum non solum in principio remoto, sed etiam proximo, velut ignis assimilat sibi ignem productum, non solum in forma substantiali ignis, sed etiam in calore, qui est virtus proxima; atqui Persona producta non assimilatur productenti in relatione, potius dissimilatur: ergo relatio non est aqua virtus proxima producendi. Audi ruris S. D. cit. loc. ad 1. Id, quo generans generat, & commune genito & generanti, & tanto perficiuntur, quanto perfectior fuerit generatio. Vnde cum Divina generatio sit perfectissima, id, quo generans generat, est commune genito & generanti, & idem numero, non solum specie, sicut in rebus creati.

Ad 1. ab autoritate dictum argumentum: Resp. quod Pater hypostasi gignat, & generans proprietas paterna, non formaliter, sed conformativè, & sic intelligendos esse SS. PP. Auctoritas S. D. est sent. lib. peccata oppono alias ex summa ipsius modi allegatas auctoritates, & communem responsum Thomistiarum, vel quod S. D. tam locutus fuerit de paternitate conformativè, non autem formaliter. Vel secundum, ut videt Cajetanus, quod S. D. sententiam in lib. sentit traditam in summa loc. cit. retractaverit.

Ad 2. Respondeo. Inter virtutem producendam, & terminum productum sufficere distinctionem realis inadæquatam. Si petas rationem, cur in Divinis sufficit inadæquata distinctione, cum tamen in creatis inveniamus adæquatam distinctionem inter virtutem generativam & terminum genitum.

genitum? Respondeo. Id provenire ex illimitatione Divina productionis, & limitatione generationis creatæ. Ex limitatione quippe creationis provenit, quod terminus non producatur in identitatem, sed solam similitudinem naturæ, eique non eadem numericè, sed specificè natura communicetur. Econtra ex infinitudine & illimitatione Divinæ productionis venit, quod terminus non solùm in similitudinem sed etiam identitatem natura producatur: eique non tantum specificè, sed numericè eadem natura communicetur. Quo ipso virtus producitur adaequatam distinctionem cum termino producendo excludit.

15. Ad 3. Respondeo, concessa primâ consequentiâ, negando substantiump, & dico, tale principium etiam posse esse quid absolutum, non quidem ut abolutum, sed ut appropriatum: ita nimirum, ut proprietas personalis non quidem sit ipsa formalisatio, & virtus producendi; sit tamen necessaria conditio & complementum ipsum.

Dices: Forma, quæ dat esse, dat etiam posse operari, sed Paternitas Patri æternō dat esse: ergo etiam ipso posse operari. Resp. majorem esse veram de forma, quæ dat esse specificum, vel quæ specificum; non autem de forma, quæ dat esse substantię, & quasi individuale. Proprietates vero personales dant esse substantię relativa, & quasi individuale, juxta superius dicta.

§. III.

Principium processionis est forma absoluta per relationem completa.

16. Constat ergo principium quo Divinarum processionum, cùm neque in sola absoluto, neque in solo relativo confidere possit, ex utroque tam relativo, quam absolute debet confundere. Sed quò modo? An, ut utraque forma tam absolute, quam respectiva in recto & qualiter importetur? ita, ut forma absolute sit principium communicativum, relatio productivum, velut placet Deneke & Alarcon? Sed præplacet negativa; si proinde.

Conclufo. *Principium quo productivum divinarum processionum formaliter consistit.* (1.) *la forma absoluta, importata in recto.* (2.) *Quæ in oblique per modum complementi intrinseci relationem connotat.* (3.) *Vnde remotum principium quo est Divina natura.* (4.) *Proximum vero intellectus & voluntas.* Ita communis Thomistarum ex S. D. suprà cit.

17. Ratio prima partis est: Principium quo id principialiter & in recto importat, in quo producens cum producendo assimilatur, sed hoc est forma aliqua absolute, ut patet: ergo.

18. Eadem ratione in paulo latiore discursum deducta probatur secunda pars conclusionis. Id solū principialiter & in recto importari potest ex parte principii quo, in quo agens suam primariam intentionem allequit: primaria quippe intentione operantis fundatur in principiis operandi: sed hanc non allequit in respectivo: quia intentio operantis saltem univoci non fertur in distinctionem (quamvis ita per modum necessaria conditio-

tionis omnem productionem comiretur) sed in assimilationem termini omni posibili modo faciendam. Atqui assimilatio obtinetur per formam absolutam; per respectivam vero solum distinctionem. Ergo operans primariam suam intentionem non nisi in aliquo absoluuo allequit.

Confirmatur. Si æquæ principaliter relatio, quam forma absoluta importaretur, sequeretur primum, quod inter *principium quod*, & *principium quo non est distinctio*.

Secundo. Quod generatio Verbi Divini non esset adæquate univoca, qui terminus in *principio formalis quo*, non esset adæquate similis generanti. Quorum utrumque est inconveniens.

Accedit expresa autoritas S. D. hic q. 41. a. 5. dicentis: *Potentia generandi significat in recto naturam Divinam, sed in oblique relationem.* & Joannis Theologi, qui in Concil. Florent. Sels. 1 g. ita loquitur: *Principium, quo ipsa Persona generat, est id, quod solum communicabile est.* Sed hoc est quid abolutum.

Pars tertia constat ex S. D. primum relato, & hæc ratione. Natura Divina per analogiam ita se habet in Divinis, ut forma substantialis in creatis: sed in creatis forma substantialis est principium remotum & radicale operationis substantialis, eò quod terminus producenti assimilatur in forma substantiali, & in ea virtus proxima operandi radicetur: ergo similiter ob eandem rationem natura Divina est principium radicale remorum Divinarum processionum.

Quarta pars liquet ex iis, quæ suprà contra 20. Durandum sunt dicta. Nempe Verbum Divinum & Spiritus S. non procedunt per solam naturam, sed per intellectum & voluntatem; non utique tanquam per principium remotum: nihil enim inter illa & terminos productos intercedit, quam actus ipsi notionales generandi & spirandi: ergo tanquam per principium proximum.

§. IV.

Solvantur objectiones.

Objicies primò. Si natura Divina est principium radicale processionum, ex vero dici poterit: *essentia generat*: sed hoc est contra Concil. Lateran. in Cap. firmiter.

Respondeo ex S. D. qui loco suprà cit. a. 5. explicit S. Damascenum dicens: *Generatio est opus naturæ, non sicut generans; sed sicut ejus, quo generans generat.* Falsa est igitur sequela, quia generare tanquam actio, ad suppositum, non ad principium pertinet.

Objicies secundò. Si intellectus & voluntas 22. sunt principia proxima actuum notionalium, sequitur primò, quod intellectus & natura Divina virtualiter distinguuntur. Secundò, quod detur in Divinis ratio principii & potentie in actu primo, ab actu secundo virtualiter intrinsecè distinctione, quorum utrumque est contra illa, quæ in Tract. de DEO Uno diximus.

Respondeo negando utramque sequelam. Quia ad explicationem prælentis difficultatis sufficit distinctione virtualis extrinseca, & secundum modum concipiendi, nee requiritur intrinseca.

D d 3

Obl.

23. Objicies tertio. Si natura est principium radicale spirationis, sequitur, quod Spiratio seu processio Spiritus Sancti non minus sit generatio, quam processio Verbi: consequens est absurdum: ergo. Sequela probatur. Illa actio est generatio, per quam terminus productus in natura & principio radicali assimilatur cum suo producente: sed si natura est principium remorum spirationis, per spirationem assimilatur Spiritus S. in Natura Divina cum Patre & Filio, ergo. Major videntur certa: quia generatio est origo viventis a vivente in similitudinem naturae. Minor est nostra: non enim aliud est fundamentum, cur principium quo principaliter constitutum in absoluto, quam quia per formam absolutam producens a sequitur suam intentionem, qua est assimilatio termini cum suo principio producente.

Respondeo pariter negando sequelam. Cujus probationem distinguo: Illa productio est generatio, qua terminus in natura assimilat producti formaliter ex vi productionis, concedo. materialiter & ex aliquo concomitante conjuncto, sic nego. Sed spiratio terminum productum in natura assimilat suo producenti, ex vi spirationis formaliter, nego. ex aliquo concomitante conjuncto ex eo videlicet, quod sit productio termini Divini & infiniti, qui proinde est necessaria confundibilis, concedo minorem & nego consequiam. Unde generatio non est quomodo cunque in similitudinem naturae, sed formaliter, prout sequenti disp. latius expendumus.

Hinc etiam patet responsio ad probationem minoris. Ideo nempe natura est principium quo, quia per ipsam producens a sequitur suam intentionem, hoc est, assimilationem termini cum principio producente: distinguo, a sequitur intentionem vel formaliter, vel materialiter includam in productione, concedo, tantum formaliter nego. In productione Filii igitur natura est principium radicale, quia intentio sibi terminum productum assimilandi in natura formaliter continetur in illa productione. In processione vero Spiritus S. natura est principium radicale, quia intentio terminum in natura assimilandi non nisi materialiter & concomitante in illa continetur. Formaliter quippe tantum assimilatio in amore & linea volitiva intenditur: sed quia in Divinis ille ipse amor non potest non esse & substantialis & confundibilis ob termini infinitatem; ideo terminus etiam in identitatem naturae producitur, ac

proinde naturam seu principium radicale quo exigit.

§. V.
Corollaria.

Colliges ex dictis primò rationem, cur processio Verbi sit origine & virtualiter prior processione Spiritus S. Nimicum quia linea intellectiva virtualiter prior est in Divinis, quam linea volitiva: sed processio Verbi pertinet ad intellectum; processio Spiritus S. ad voluntatem: ergo. Item processio Spiritus S. supponit ad quem principium spirandi, quod est Pater & Verbum: ergo supponit processionem Verbi, per quam Verbum accipit virtutem spirativam communicatam à Patre.

Colliges secundò rationem, cur solus Pater producat Filium; non autem Filius, vel Spiritus S. qui nimirum intellectus & intelligere est in illo Patre, sicut in principio, neque intellectus est potentia & virtus generativa, nisi quatenus effectus relatione paternitatis; Filio vero intellectus & intelligere convenit ut verbo procedenti inquit D. Anglicus q. 37. a. 1. ad 4. Et similiter Spiritui S. intelligere convenit ut termino spirativa processionis, qua tam ipsam intellectuam & generativam processionem, quam ad quam ipsius terminum virtualiter præsupponit, ita neque Spiritui S. (loc. cit. S. D.) convenit, quod spiritus amorem, quia diligit essentialiter, ut am procedens, non ut a quo procedet amor.

Colliges tertio. In Divinis non aliam efficit actionem communicativam, & aliam producivam, & consequenter neque principia communicandi & producendi distinguenda esse. Eadem quippe actione, quā producitur terminus, eadem assimilatur agenti, sed assimilatur per communicationem: ergo eadem actione, quā terminus producitur, eadem ipsi communicantur prædictas communicabilitas.

Colliges quartò. Sicuti ponuntur adiutoria mentales in Divinis, ita necessario ibi ponit præceptu hujusmodi actuum, cum potentia vel aliud significet, quam principium alius adiutorius. S. D. loc. cit. a. 4. Nec ideo tamen existimes, ut potentiam & actum notionalem admittentem fore distinctionem virtualem intrinsecam. Non enim ex ejusdem S. D. ibidem mente & ore distinguuntur, nisi secundum modum intelligendi & significandi tantum, prout diversimode significatur intellectus & intelligere.

DISPUTATIO XXII.

Cur Processio Verbi Divini sit generatio, non autem Processio Spiritus Sancti?

Vidimus processiones in genere: nunc easdem specificè attingimus, & quidem differentiam inter Verbi & Spiritus S. processionem discutiendam suscipimus, modis procedendi ex intellectu & voluntate ad specialem cuiusque Personæ pertinentis considerationem tantisper dilatis.

ART I.